Dissertatio inauguralis medico-forensis qua vulnus cerebri sclopetarium septima demum hebdomade absolute lethale / ... exponit ... Johannes Adolphus Seyffert.

Contributors

Seyffert, Johann Adolf. Vater, Abraham, 1684-1751. Universität Wittenberg.

Publication/Creation

Vitembergae: Ex Officina Gerdesiana, [1722]

Persistent URL

https://wellcomecollection.org/works/j43wawna

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org DISSERTATIO INAVGVRALIS MEDICO-FORENSIS

QVA

29

ULNVS CEREBRI SCLOPETARIVM

EPTIMA DEMVM HEBDOMADE ABSOLVT: LETHALE

PRAESIDE

N. ABRAHAMO VATERO PHIL. ET MED. DOCT. ET PROF. PVBL.

ANAT. ET BOTAN. SVBSTITVT.

SOCIETATUM IMPER. NAT. CVR. GERMAN. ET REG. ANGLIC. SOCIO

PRO LICENTIA

SVMMOS IN ARTE SALVTARI HONORES ET PRIVILEGIA OBTINENDI

D. VI. JVL. M DCC XXII.


SPECIMINIS INAVGVRALIS LOCO
PLACIDAE DISSENTIENTIVM DISQVISITIONI
EXPONIT

RESPONDENS

OHANNES ADOLPHVS SEYFFERT

PRACTICUS ANNAEBERGENSIS
HORIS ANTE ET POST MERIDIEM CONSVETIS.

VITEMBERGAE, EX OFFICINA GERDESIANA.





Q. D. B. V.

ulnerum, corpori humano inflictorum, lethalitas dubia, et Medicorum in ea determinanda dissensus, est, de quo, tanquam innumerarum in soro controuersiarum, nullo pacto fere componendarum,

causa, grauiter conqueruntur Justitiæ Sacerdotes. Etenim Hipocratis, primi Medicinae Parentis, ac tantum non omnium veterum Medicorum placitis, uulnera quorumuis viscerum interiorum inter simpliciter, per se, & absolute lethalia referuntur. Ita enim ille, Sect. VI. Aph. 18. Vesicam dissectam habenti, aut cerebrum, aut cor, aut septum transversum, aut tenue aliquod intestinum, aut ventriculum, aut hepar, lethale est. Recentiorum uero Medicorum libri exemplorum, et observationum pleni sunt, uulnerum horum uiscerum, etiam profundiorum et ma-

A 2

gnorum

gnorum feliciter curatorum. Eo igitur propemodum res deducta est, ut sere nullorum uiscerum nobilissimorum, si forte cor, cum canalibus sanguiferis maximis, aorta, ac uena caua, excipias, uulnera pro absolute lethalibus habeantur. Non tamen eo usque terminum lethalitatis per se dictae, aut 70 per se lethale extendendum esse, quasi nullum uulnus, nisi cuius sanati nullum exemplum allegari possit, pro eiusmodi lethali sit habendum, qualium casuum forsan pauciores suppeterent; sed ab illo, quod ut plurimum fit, aut fieri, experientia docet, ad casus oppositos concludere licere, graviter pronunciat Bohnius, de Officio Med. dupl. P. 11. Cap. V. Idem etiam agnouit Ammannus, in Paraenesi L. V. P. II. Sect. 1. Cap. 1. S. 19. ubi uulnera, ut plurimum lethalia, per se et absolute lethalibus annumeranda esse, contendit. Hac re commotus celeberrimus quondam Iureconsultus, et Academiae nostrae Antistes meritissimus, Stryckius, in Programm. Inaugurali, VVittembergae Anno MDCXCI. edito, uulnerum inspectionem, ac de lethalitate iudicium medicum, ad sententiam homicidae ferendam, prorsus inutile et superuacaneum, imo legi diuinae contrarium existimat, quoniam, ut ait, non pauci homicidarum, solis Medicorum subtilitatibus, ab optime merito liberentur supplicio. Concludit idem propterea his uerbis: Stabit ergo immota haec sententia, diuino ciuilique iure ex asse conveniens, uulnus omne, morti causam dans, utut in se suaque natura mortiferum non sit, si exterius culpa vulnerati nibil adueniat, quod mortem promoueat, capitis supplicium mereri. Nostrum nunc non est, de eo decernere, quoniam hoc ad Theologos atque Iureconsultos pertinet. Sufficit, quod de hoc, utrum sui, an circumstantiarum concurrentium culpa, uulnus factum sit lethale, sine cadaueris inspectione legali, & depositione Medicorum, iudicium ferri nequeat. Eaque de causa, iustitiae administratores retinuerunt laudabile hoc institutum, ut nihil de homicida decernant, priusquam per Medicos de uulneris lethalitate certiores redditi sint. Medicorum tamen est, in cadauerum inspectione, uulnerum perlustratione, ac lethalitatis renunciatione, uti circumspectione, ac diligentia, omnesque circumstantias sedulo considerare, nec quicquam prae-termittere, quod ad iudicium accuratum edendum facere potest. Laudem prae aliis insignem ea in re promeritus est celebratus Boh-A 3 nius

nius, dum in erudito, de uulnerum renunciatione, tractatu, cautelas utilissimas exhibuit, quibus observatis, non facile quis errare poterit. Praecipue uero, eodem monente, lethalitatis praesumptio minus recte desumitur a tempore mortis insecutae, quoniam non semper, ad lethalitatem constituendam, sufficit eius celeritas, nec, ad eam tollendam, tarditas. Hoc ipsum nouo quodam, nuper in uicinia observato, exemplo consirmare, est animus, exponendo Tibi, Lector Beneuole, in praesenti, speciminis inauguralis loco, casum singularem, uulneris cerebri, in sine septimae demum hebdomadis absolute lethalis. Quod ut summum Numen selix faustumque esse iubeat, precamur.

CASVS.

In ciuitate, duobus abhinc milliaribus distante, Grauenhayn dicta, exploso a iuuene per incuriam sclopo, globulis plumbeis minoribus, Reh: Schroot/repleto, uirgo octodecim annorum uulneratur in fronte, duobus tantum horum globulorum cranium pertundentibus, altero nimirum in ipsa nasi radice, inter supercilia, altero uero supra oculi sinistri canthum exteriorem, in loco, duorum digitorum lato-

rum ab isto remoto. Accepta plaga, uulnerata, sensibus omnibus orbata, mortuae instar in terram prosternitur, ac, adhibitis licet fortissimis acclamationibus, atque uellicationibus, uix intra horarum duarum spatium ad se redit. Inde aegra, accedentibus uariis symptomatibus, per interualla remittentibus, ac iterum ingrauescentibus, nec ullis remediis internis externisque cedentibus, imprimis doloribus, soporibus, deliriis, ac conuulsionibus, usque ad septimae septimanae finem uitam traxit, tandem uero, do-Ioribus acutissimis, motibusque conuulsiuis exagitata, accedente sopore, succubuit. Aperto a nobis capite, et caluaria ablata, apparuit, globulum, in radice nasi transeuntem, separatis eo loco duobus a cranio fragmentis, huic adhuc cohaerentibus, ac inflicto processui mammillari. dextro foramine notabili, inter haemisphaerium dextrum, et salcem procedendo, usque ad medietatem capitis penetrasse, quo loco, digiti latitudine a corpore colloso distante, idem processui falciformi firmiter cohaesit. Alter uero globulus, in sinistra frontis parte supra orbitam oculi transiens, fragmenta cranii complura minora, integumentis adhuc inter se cohaerentia, ad fabae minoris magnitudinem accedencedentia, per duram et piam matrem, polli-cis latitudine, intra cerebri substantiam proiecerat, a qua ita circumdata fuerunt, ut, praeter aperturam in cerebro factam, nihil eorum in conspectum prodiret, praeterquam, quod, premendo cerebrum, mediantibus digitis, durities intus latens perciperetur. Dictis ramentis extractis, ac uentriculo sinistro aperto, idem materia purulenta, copiose effluente, totus repletus fuit, dexter autem uentriculus sero flauescente turgidus apparuit, ac praeterea durae matris superficiem internam, super totum hoc haemisphaerium, obduxit sanguis corruptus, sub forma pigmenti nigri eidem agglutinatus. De cetero cerebrum ipsum, quoad substantiam, nec non ventriculus tertius, cum quarto, ac cerebellum, nil omnino labis monstrarunt.

THESIS I.

ntequam de huius uulneris qualitate, aut lethalitate iudicium ferri queat, dispiciendum prius erit paucis, de letha-litate uulnerum in genere, in quo ea consistat. Lethalia proinde uulnera ea solum audiunt, quorum culpa, uiscerum nobiliorum, ad uitam continuandam absolute facientium, aut

aut textura destruitur, aut actio tollitur, ita, ut munia sua obire, et operationes uitales amplius peragere nequeant. Quandoquidem uero uita nostra absoluitur circulo sanguinis, quo cessante, uita statim perit, hic uero sine integritate cordis, et uasorum sanguiserorum maiorum perfici nequit, inde constat, omnes cordis, atque canalium grandiorum perforationes, quibus purpura uitalis una & semel effunditur, mortem in momento afferre. Non deficiunt quidem casus rarissimi, inter miracula naturae, et paradoxa Pathologico-Anatomica referendi, ab auctoribus observati, ubi, ipso corde transfosso, ac uentriculis eiusdem perforatis, uita tamen per plures non solum horas, sed dies continuauit, adeo, ut tales aegri ad decimum quintum usque diem in uiuis superstites fuerint: qualia exempla apud Auctores passim occurrunt, quorumque plura collecta uidere licet apud Bonettum, Anat. Pract. L. IV. Sect. 111. Obs. 23. Factum hoc necessario est ideo, quod nulnus exile, aut propter obliquitatem contra-Etum, aut ab extra compressum, aut instrumentum laedens, in uulnere subsistens, effluxum sanguinis largiorem impediuerit. Hoc uero copiose effuso, cordis aeque, ac canalium maiorum pertusiones, uulneratos diutius superstites

· (11(11))

tes esse, non permittunt. Propterea Facultatis nostrae iudicium, superiori anno a Medicis Lubecensibus, occasione depositionis, ab empirico sactae, exposcebatur, utrum, trunco uenae cauae, in ipso hepate, transuersim, ad dimidium usque, secto, uulneratus nihilosecius per unam uel alteram horam uiuere, ac per plateas aliquot discurrere ualuerit? quod merito negauimus. Lethalibus tamen etiam annumerantur uulnera uasorum minorum, imprimis interiorum, et profundius sitorum, ubi haemorrhagia sisti nequit.

THES. 11.

Non uero tantum circuli uitalis destructio totalis uitae terminum cito affert; sed etiam respirationis, non minus, ac circuitus sanguinis, ad uitam absolute necessariae, omnimoda suppressio id ipsum praestat. Quamobrem, perfosso diaphragmate, praecipue in parte neruosa, aut pulmone cum mediastino pertuso, aegri, ob respirationem suppressam, mortuorum instar concidunt, nec, nisi sanguine, pulmonem opprimente, educto, ac uulnere extrinseco obturato, ad se redeunt. Quamuis diaphragmate grauiter laeso, ac pertuso, respiratio cesset, et uitae periculum immineat; uidimus tamen ali-

quando experimentum, in cane institutum, qui, perforato diaphragmate, et quidem in parte neruosa, uitam conseruauerat. Eodem uero postmodum dissecto, ictum eo loco penetrasse, constabat, ubi pericardium, cum diaphragmate laxius cohaerens, sinum notabilem in illis animalibus format, adeo, ut, licet foramine adhuc in diaphragmate superstite, respirationis negotium integrum permanserit, quia in inspiratione aer ad abdomen penetrare non poterat.

THES. 111.

A d reliquorum organorum uitalium laesio-nes, quae chylificationi, chyli ad sanguinem translationi, atque nutritioni inseruiunt, quod attinet, eae tardius quidem, at si eadem officio suo in totum defunguntur, certam tamen mortem inducunt. Hinc uulnerationes uentriculi, intestinorum, mesenterii, uesicae felleae, ductus thoracici, oesophagi, aliorumque uiscerum internorum, cum effusione succorum in cauitates incurabili coniunctae, ob corruptionem inde ortam, lente admodum ad mortem procedunt. Oborta tamen, ob uasa sanguifera insigniora rupta, haemorrhagia forti, aut inflammatione, aut ob neruos internos

grauiter affectos, conuulfionibus uiscerum superuenientibus, tales interdum sat cito uitae si-nem faciunt.

THES. IV.

Cerebrum quidem, uti officina spirituum, sic dictorum, animalium audit, ita praecipue functionibus animalibus, sensibus atque motibus uoluntariis, quibus diutius, sine uitae detrimento, carere possumus, praeest. Ob cerebellum tamen, a quo neruus uagus, motionum in internis uisceribus uitalium director, potissimum oritur, et ob neruum intercostalem, a quinta et sexta coniugatione oriundum, laesiones cerebri ipsius grauiores lethiferae funt. Ab horum quippe neruorum duorum in uia coniunctione, plexus uarii in cauitatibus efformantur, e quibus nerui organorum uitalium promanant: adeoque, influxu liquidi neruosi per hos intercepto, motus cordis atque diaphragmatis statim confunditur, ac breui tempore cum uita penitus perit, uti id experimentis confirmat Vieussenius Neurogr. L. 1. c. 20. et L. III. c. 4. Quoniam igitur cerebellum praecipue actionibus internorum uiscerum inuoluntariis, ac magis necessariis, utpote quibus uita animalium sustinetur, praeest, hinc eius uulnerationes, prae reliquarum cerebri regionum, lethalethales merito aestimantur. Quod si enim experientiam consulamus, uix unum forsan obseruare continget, qui ex lacerato cerebello euaserit, cum plura passim obuia sint exempla, quibus, satis ingentia quoque cerebri uulnera coaluisse, perhibetur, uti disserit Bohnius l. c. Eaque de causa, haud dubie, sapientissimus Creator cerebelluum tam profunde, sub cerebro, in loco, ab iniuriis externis magis remoto, collocauit, ne illud facile laederetur.

THES. V.

Licet autem directio functionum uitalium pri-mario cerebello debeatur; cerebrum tamen non minus ad easdem peragendas plurimum confert. Patet hoc ex apoplecticorum symptomatibus, in quibus totalis sensuum, atque motuum externorum cessatio periculum quidem, at certam mortem non adducit. Cerebello uero, ac principiis neruorum internorum in consensum tractis, et accedente, ob conuulsiones interiorum uiscerum, et circuli uitalis oppressionem, stertore, ac sudore copioso, mors est in propinquo. Eaque propter uulnera cerebri profundiora, ejusque commotio fortior, cum sectione, aut ruptura arteriarum insigniorum, ac sinuum uenosorum, ob consensum cere-B 3 bri, bri atque cerebelli, citius uitae finem facere folent. Neque enim cerebri, stricte sic dicti, laesiones, utut sat graues, per se mortem inducere
possunt, nisi exinde, ob haemorrhagiam grauiorem, aut ob inflammationem obortam, circulus
uitalis citius, aut tardius suffocetur, uel, cerebebello ac principiis neruorum, ad uiscera interiora amandatorum, compressis, motus horum organorum cum uita pereat. Inde etiam est, quod
uulnera cerebri ipsius grauiora, etiam ipsam medullarem substantiam et uentriculos attingentia, imo cum deperditione particulae cerebri,
curata obseruentur ab auctoribus, quorum integrum catalogum exhibet Bohn. l. c. Sect. I. c. 1.

THES. VI.

Multo minus autem uulnera cerebri leuiora ac fuperficialia, et ruptura uasculorum minorum, nec non meningum, atque cranii, cum reliquis integumentis, utut grauiora, per se lethalibus accenseri possunt, nisi, ob denegatum materiae, sub cranio aut meningibus collectae, essuum, aut fragmentorum, a cranio separatorum, ac durae matri et cerebro insixorum, inhibitam remotionem, talia euadant. Nisi enimapertura sat magna, pro eductione rerum heterogenearum, sub caluaria ac dura matre haerogenearum, sub caluaria ac dura matre haerogenearum ac dura ma

rentium, a uulnere facta sit in cranio, talis arte, mediante trepano, fieri potest, et debet, ubicunque circumstantiae id suadent, ac permittunt. Hanc certe uiam natura ipsa nobis monstrauit, quoniam, in grauioribus cerebri commotionibus, sine cranii fractura, materiae et sanguinis effluxu per nares atque aures facto, aegri a grauissimis symptomatibus, ipsaque morte liberati saepe suerunt. Neque tamen semper trepanatio auxilium ferre potest: imo ea plurimis de causis saepissime non admittitur, symptomatum nimirum grauitate, mortisque celeritate eam respuente, aut deficientibus signis certis, situm rerum laedentium edocentibus. Etenim tantum ea hoc ipso educi possunt, quae immediate sub caluaria, aut dura matre, minus uero, quae profundius in, aut sub cerebro latent. Imo nec languis ipse, immediate sub cranio, durae matri incumbens, trepani beneficio inde elici potest, quando hic durae meningi plus minus tenaciter agglutinatur, hanget so fest an/ als Pech/ ut in cadaueribus non, nisi duriore rasione, binc detergatur, et lenta suppuratione, seu putredine, demum secernatur; binc forsan tarde satis per aperturam factam excernitur, interim cerebri compagiuel mole, uel fracedine molestus, et oeconomiam ejus breui sufflaminans, ac destruens, uti nobis auctor

Etor est Bohnius, l.c.p. 92. Non itaque semper, trepani solius neglecti causa, uulnera talia per accidens lethalia pronunciari possunt.

THES. VII.

Quamuis autem sat insignes cranii, in superiori capitis regione, fracturae per se lethales aestimari nequeant; interdum tamen fifsurae capillares, ac contrassissurae per se lethales esse possunt. Tales quidem non tam per se immediate, quam mediante laesione grauiori, et corruptione cerebri, mortem inducunt; interim tamen per se lethales existunt, quando nimirum tales in interiori cranii lamina, externa illaesa, aut in ossibus, profundius sitis, osse sphaenoideo, petroso, orbita oculorum, sub cerebri basi latent, adeoque nec cognosci, multoque minus curari possunt. Quoniam enim in basi cerebri, dura mater arctissime cum cranii ossibus cohaeret, hinc eiusmodi fissurae, non tantum continuam durae meningis distensionem, et grauissimam irritationem, sed etiam succorum, in cranio circulantium, extrauasationem, et inde factam durae matris, et cerebri incumbentis, putredinem non possunt non inducere. Rarissimus quidem Facultati nostrae non pridem offerebatur casus, ubi ab ictu, lapide in fronte inflicto,

inflicto, os frontis supra orbitam fractum, cum fissura in superna orbitae parte, apparuit, cerebro tamen per omnia sano, atque illaeso in sectione reperto. Quoniam tamen vir, plaga illa demortuus, omnem curam atque diaetae regimen neglexerat, nullaque in cerebro ipso labes occurrebat, apertura uero insignis, in osse frontis, supra orbitam, huiusque ossis tenuitas facilem remediorum applicationem, et fissurae, ibi observatae, consolidationem suadebat, hinc a nobis uulnus istud per accidens lethale merito renunciatum est. Ex hoc solo casu omnino constat, quanta in iudicio, de uulneribus capitis edendo, opus sit circumspectione, ne minima quaedam circumstantia, quae ad rem facere uidetur, facile praetermittatur.

THES. VIII.

Antequam uero ad uulneris nostri, in praesenti expositi, considerationem nos conseramus, paucis adhuc agendum est de eo, quod
Auctores plures observant, a commotionibus
et laesionibus fortioribus capitis, mortem post
se relinquentibus, saepissime nullum in cerebro uitium, sed potius abscessus in uisceribus inferiorum cauitatum, imprimis in hepate et liene,
inuentos suisse. Horum casum admodum
multos commemorant Paraeus, Pigray, Virsungius, Welschius, Marchettis, aliique, quo-

rum loca et sententias Bonettus, l. c. obs. XVI. exhibuit, adeo, ut etiam Pigray referat, se in omnibus fere, ex capitis uulneribus, nullo quidem grauiori symptomate accedente, postea tamen, imprimis febre tertia die superueniente, mortuis, quorum corpora dissecuit, abscessus hepatis observasse: in quo etiam consentientes habet reliquos. Quemadmodum uero his obseruationibus fidem nullatenus denegare, intentio est: ita tamen huius rei rationes, quas dicti Auctores dant, nec nobis, nec saepius laudato Bohnio, nec aliis arrident. Marchetti quidem, ex dolore colli coniuncto, sibi persuasit, materiam ex capite delabi ad cauitates; uiae tamen deficiunt, per quas decubitus iste fieri queat. Alii sanguinis, a pure, in uulnere subsistente, infectionem, indeque factam in hepate inflammationem accusant, at ita quoque ex aliarum partium grauioribns uulneribus fieri deberet hepatis abscessus. Quicquid huius sit, abscessus illos uiscerum non tam ex capite, quam aliis causis deriuandos esse, ratio suadet, quoniam inter cerebrum, et dicta uiscera, nullus specialis consensus reperiri potest. Quod si tamen abscessus isti a laesione capitis dependeant, certe id casu, et non, nisi mediante circulo sanguinis, uisceribus istis communi, non quidem per materiae e cerebro ad hepar translationem, sed ob fan-

fanguinem, propter influxum fucci neruei turbatum, et inde ortas motuum anomalias, in uisceribus hinc inde stagnantem, aut per spasmos, ob grauiter affecta principia neruorum, oriundos, hos fieri posse, patet.

THES. IX.

Properamus nunc ad uulneris Sclopetarii, antea a nobis descripti, considerationem, inquirendo, utrum, et quo pacto illud pro absolute lethali haberi possit, et debeat? Vulnus quidem hoc cuipiam leue, nec adeo magni momenti, multoque minus lethale uideri posset, tum ob globulorum perforantium magnitudinem haud insignem, tum ob eorum penetrationem non nimis profundam, intra medullam atque basin cerebri, tum ob aperturam, sine fractura grauiori, in cranio pro exitu materiae relictam, tum maxime propter tempus diuturnum, plagam inter et mortem percussae, interiectum. Quod si tamen omnes eiusdem conditiones rite, et ut par est, perpendamus, manisestum omnino euadet, illud inter absolute lethalia iure meritoque esse referendum. In eoque, ut speramus, consentientes nobiscum habebimus omnes, qui considerare uolunt, quod in iudicio de uulnerum qualitate, ac lethalitate non sufficiat, unam uel alteram circumstantiam attendere, sed opus quam maxime esse, omnes coniunctim

iunctim expendere, ex iisque, inter se collatis, demum iudicium accuratum ferre, quoniam minima circumstantia uariat rem. Ordine autem procedendum nobis erit, contemplando primum locum in cerebro, quousque instrumenta laedentia penetrarunt, postmodum esfectus, quos ibidem ediderunt, tandemque, utrum ad hos praecauendos, aut tollendos, ars nostra remedia praebeat idonea.

THES. X.

A d locum quod attinet, quorsum globuli ac ramenta cranii penetrarunt, dexter quidem, supra nasum intrans, processum mammillarem leuiter uulnerauerat, hinc uero fine ulteriori contactu hemisphaerii dextri, inter hoc et falcem processerat, ac huic cohaerebat. Quoniam tamen hic nec cerebrum grauiter afflixit, nec sinus durae matris uulnerauit, neque corpus callosum subiacens premere potuit, inde quidem dubium oboritur, utrum hic morti causam dare ualuerit. Quem uero latet, quanta a spiculis atque fragmentis cranii, durae matri in parte superiori infixis, dependeant mala, dolores nimirum acutissimi ac conuulsiones grauissimae, quae symptomata non, nisi causarum irritantium remotione, sopiri queunt. Tanto magis uero globulus, in falce inter duo hemisphaeria haerens, malorum subsecutorum fun-

da-

lamenta iecit, fibras durae matris, nec non henisphaerium accumbens continuo irritando, circuumque sanguinis in uasis et sinu longitudinali turoando. Inuenimus quidem nos ante duos annos, n cadauere foeminae, publice in Theatro Anatomico dissectae, eo fere loco, ossiculum formae lenticularis, pisi magnitudine falci cohaerens, quo tamen foemina, praeter stupiditatem et capitis grauitatem, nihil mali perceperat. Tale officulum quoque a falce extraxit Cheseldenius, in uiro, grauissimis capitis doloribus extincto. Vid. Transact. Anglic. n. 387. p. 287. Plurimum tamen interest inter officula, ibi locorum generata, et globulos plumbeos, grauitate sua maxime molestos. Globulum uero hunc tanto grauius duram matrem affecisse, suspicio est, quoniam in superficie crenatus suit, (gehackt Schroot.) Multo maiorem uero laesionem cerebro attulerunt fragmenta, per globulum, supra oculum sinistrum transeuntem, a cranio auulsa, quae sat profunde substantiae cerebri immersa fuerunt. Quamuis enim illa intra uentriculum ipsum subiectum non penetrarunt, continua ramen sua irritatione ac pressione, extrauasationi ac putredini occasionem dederunt.

THES. X1.

Confirmat hoc ipsum ulterius stagnatio humoris corrupti copiosi, in uentriculo sinistro, et ientriculi dextri a sero repletio, ac sanguinis, du-

ra

rae matri intrinsecus adhaerentis, exsudatio, indeque orta symptomata, ac ipsa mors demum superueniens: quae omnia nulla arte praecaueri potuerunt. Remedia quidem omnia, in uulneribus capitis usualia, applicata suerunt, uenesectio mature instituta, capiti, derasis capillis, fomentationes neruinae continuo admotae, superuenientibus conuulsionibus et doloribus, uesicatoria quoque in nucha excitata, nec interna cura omnino neglecta fuit, omnibus nihilosecius incassum adhibitis, quia symptomatibus istis nullo modo, nisi heterogeneorum, in cerebro latentium, illudque uehementer irritantium, sublatione, medela afferri potuit. Percepit sane aegra ab usu remediorum leuamen, ac symptomata subinde remiserunt, mox tamen grauius eandem inuaserunt, eamque tandem, accedente lethali sopore, iugularunt.

THES. XII.

Sed dicet forte quispiam, neglecta tamen est trepani applicatio, cuius beneficio forsan globulus
ac spicula remoueri potuissent. At, quo pacto,
mediante trepano, haec ipsa educere licuisset, non
uideo. Vidimus supra, trepanum non tantum non
semper admitti, sed etiam ad extrahenda omnia,
in cerebro abscondita, minus esse idoneum, quando nimirum talia aut profundius sita sunt, aut nulla sui indicia praebent. Nullo modo globuli, inter duo hemisphaeria profundius salci adhaeren-

tis,

is, situs iudicari aut ille e loco isto trepani usu elici otuit. Quis uero fragmenta cranii, in finistrolaere intra cerebrum protrusa, aperto licet cranio, pe trepani, inuenire, aut inde extrahere uoluisset, juae, post mortem cranio eleuato, quia cerebro nuoluta, nullatenus conspicere, nec sine eius laceraione separare potuimus. Par etiam est ratio sanguinis corrupti, in interiori latere durae matris expansi, et sirmiter conglutinati, cuius, sub caluaria, n exteriori superficie crassae meningis haerentis, extrahendi, nulla spes superest, uti in antecedenibus ex Bohnio annotauimus. Accedit uulnerum psorum, rerumque laedentium distantia, et laeionum uarietas ac multiplicatio, quae omnia trepani usum eludunt. Posito autem, quod causae stae, extrauasationem et putredinem in uentricuis inducentes, trepano tolli non potuerint, manifestum est, duplex hoc cerebri uulnus in se, et necessario mortis insecutae causam suisse, adeoque er se et absolute lethale aestimari debere. Ponanus etiam, globulum, processui durae matris adnaerentem, utut alia incommoda, epilepsiam, doores capitis, melancholiam, post se traxisset, morem tamen per se afferre non potuisse. Quodsi amen duo illa uulnera, uti par est, non separatim, ed coniunctim considerentur, patet, globulo huic x parte fatalem euentum adscribendum esse, praeipue, quoniam extrauasatio seri in dextro uentriculo,

24 VVLNVS CEREBRI SCLOPET. ABSOLVTE LETHALE.

culo, et sanguinis durae matri agglutinati, nullam aliam causam, praeter concussionem capitis, ab illo factam, agnoscit.

THES. XIII.

Restat, ut paucis adhuc dispiciamus, ob quas rationes mors, a multiplici et incurabili hac cerebri laesione necessario dependens, tamdiu protracta fuerit. Humorum certe. in uentriculis cerebri repertorum, extrauasatio atque putredo, nulla ratione praecauenda, mortem uulneratae nostrae conciliauit. Hanctamen non una et semel, sed lenta admodum exstillatione. ex tubulis minoribus ruptis, factam esse, docent circumstantiae. Inde etiam materia illa, in uentriculis anterioribus contenta, influxum succi animalis, in organa uitalia totaliter intercipere non potuit, quam ubi, quantitate aucta, uentriculum medium et caudicem medullae oblongatae, subtus latentem compressit, atque ita uitae finem fecit. Hoc enim situs uentriculorum superiorum, in anteriori hemisphaeriorum cerebri regione, confirmat, quoniamisti ossibus frontis atque temporum magis incumbunt, ac propterea liquores, in iis contenti, tantam principiis neruorum molestiam non creant, nec tam citam mortem inferunt, ac si tertium aut quartum cerebri uentriculum inundent. Ex allatis igitur rationibus sufficienter constare, iudico, uulnerationes ce-

rebri, hactenus expositas, per se et absolute le-

thales merito aestimari.